

autem est, quia Plato nihil prorsus tota ea tractatione de hac latentia aut dixit aut etiam innuit.

Subdit Aristoteles:⁹² *Absurdum vero etiam calidi respirationem ingressum esse, apparet enim contrarium. At Plato contrarium dixerat.*⁹³ *Impulsum vero in ignem incidens, calescit, exiens vero refrigescit.* Nam quod ingreditur, cum in caloris sedem incidat, incalescit nimirum, et quod exit, cum ab aere frigidior excipitur, refrigeratur, cui dubium? Idem sentit Aristoteles. Sed cum eadem sit Platonis sententia, cur carpitur?

10 Capite 6. subnectit in haec verba:⁹⁴ *Sed enim neque nutritionis causa putandum fieri^{xxix}, tamquam nutriatur spiritu interni ignis.* Videtur ex continuatione illa contra Platonem directus sermo. Sed nihil tale scripsit. Plato dixit sane in eam sententiam, quam
8. capite proximo Aristoteles explicat, at horum nihil. Quare si
15 adversus Platonem vibratus est hic sermo, falso id factum est, si non contra ipsum, nihil eorum est necesse nos huc afferre.

Atque hactenus omnia, quaecumque nominatim ex Timaeo loca sunt ab Aristotele reprehensa, falso ac maligne et contra apertam Platonis sententiam fuisse reprehensa ostendimus.

20 Locum alterum in Phaedone, 2. Meteoro capite 2. carpit:⁹⁵ *Quod vero in Phaedone est scriptum de fluminibus et mari, impossibile est.* Sed haec cavillatio futilis ac puerilis est. Fabula enim ea est non solum de mari fluminibusque in Tartaro, sed etiam de terra, de inferno poenisque inferorum, ipseque Plato fabulam eam

⁹² ἄτοπον δὲ καὶ τὸ τοῦ θερμοῦ τὴν ἀναπνοὴν εἰσοδὸν εἶναι φαίνεται γὰρ τούναντίον. [ARIST. Resp. 472b.33 – 34]

⁹³ τὸ δὲ περιοσθὲν εἰς τὸ πῦρ ἐπίπτων [ἐπίπτων] θερμαίνεται, τὸ δ' ἐξιοὺν ψύχεται. [PLATO, Ti. 79.e.2 -3]

⁹⁴ ἀλλὰ μὴν οὐδὲ τροφῆς γε χάριν ὑποληπτέον γίνεσθαι {τὴν ἀναπνοήν}, ὡς τρεφομένου τῷ πνεύματι τοῦ ἐντὸς πυρός. [ARIST. Resp. 473a.3 – 4]

⁹⁵ τὸ δ' ἐν τῷ Φαίδωνι γεγραμμένον περὶ τε τῶν ποταμῶν καὶ τῆς θαλάττης ἀδύνατόν ἐστιν. [ARIST. Mete. 355b.32 – 34]

^{xxix} U grčkom citatu nedostaje riječ τὴν ἀναπνοήν, a nije ni prevedena.